

Inatsisartut suleriaasiat § 37, immikkoortoq 1, naapertorlugu matumuuna Naalakkersuisunut apeqqutit imaattut saqqummiuppakka:

- 1. Arsummi aalisagartassiisoqarnissaanik Naalakkersuisut pilersaaruteqarpat?**
- 2. Aningaasaqarnermut Naalakkersuisup Arsummut tikeraarnera tunngavigalugu kinguneqartitsisoqarniarnerluni?**

(Doris Jakobsen, Siumut)

Tunngavilersuut:

Maaji naalersorli Arsummi fabrikki matuvoq arnarlunniarneq unitsinneqarmat, aalisartorpassuit fabrikkimilu sulisut massakut inuussutissarsiorfeqanngillat allanik aalisagartassanik periarfissinneqannginnamik. Sissami umiatsiaararpassuit uninngaannarput fabrikkilu ajoquteqanngitsoq matoqqalluni. Siornatigut arnarlunniarneq unikkaangat saarullinniarnaq aallartittarpoq, massakulli taamaattoqanngilaq naak Arsuup eqqaani saarulleqarlualuartoq. Aalisartut allanik periarfissinneqanngikkunik upernaap tungaanut uninngaannassapput. Taamatullu inissisimanerup kingunerilereepaa, ilaqutariit illoqarfinnut nussornerat, Arsuup inuerukkiartuinnarnera kioskillu namminersortup matuinnartariaqalernera. Soorunami taamatut ingerlaneq aalisartunik innuttaasunillu iluarineqanngilaq.

Ilisimavara Aningaasaqarnermut Naalakkersuisoq maajip qeqqani Arsummiinnikuusoq innuttaasunillu ataatsimiisitsilluni, taamaammatt paaserusuppara Naalakkersuisut Arsummut iluaqutaasinnaasunik piffissami qaninnerpaami qanoq pilersaaruteqarnerisut.

Apeqquteqaatimma ullut suliffiusut qulit iluanni akineqareersimanissaat kissaatigaara.